

相 命

乙：來哦！來哦！抽靈籤，卜聖卦！解破你前世的運命，看你未來的運勢會按怎行，命好就愛認真來扑拚，命歹就愛較緊改運命！

甲：（一面偷笑，一面幹頭對觀眾講）俗語講「若是有一个好命底，較贏三代咧儉家賄」，我就趁今仔這個機會，問看問題出佇佢。（幹頭對相命先講）相命先的，我最近工課狀況濟，緊張操煩規身軀全毛病，想欲請你共我解說解說，毋知禮數愛佻濟？

乙：看你遮爾有誠意，神明一定有保庇，燒金跋牯擺免費，你先抽一下仔靈籤看天公伯也的指示！

甲：（抽籤詩了後小看一下才講予觀眾聽）這籤詩講：「（自編）烏雲罩霧心沉重，計較操煩規百項；金言善行度眾人，天清月明才輕鬆。」

乙：（乙從頭到跂來回打量甲的身材相貌，甲看乙的反應）若照按呢算起來……你「健康」有問題，規身軀全毛病！

甲：（對觀眾講）人講「相命仔喺胡蛻蛻」，想袂到伊閣講甲對對對。

乙：第一、你傷「烏（黑）」！

甲：啊！我出世就烏肉底，皮膚傷「烏（黑）」我就足鬱卒的啊，連請你改運，閣愛予你盪洗(khau-sé)！我哪會「倩鬼提藥單」？

乙：無啦！你誤會啊啦！人講「心若好，人生是彩色的；心若無好，人生是烏白的！」—你逐項代誌擺想了傷過頭，小寡無滿意就拈牢牢，好歹擺欲佻人比較，輸贏嘛欲佻人計較。按呢你規个心擺是「烏痕(雲)、烏影」，人生當然是烏白的！

甲：你講按呢誠實有影！我定定擺「未淋假醉，未講就大心氣」。別人無按怎，我家已煞佇遐凝心肝。毋爾皮膚烏，心內嘛全「烏影」。

乙：無毋著！人講：「醫人先醫心」，像你這款症頭，一定愛先換一個關懷感恩、善解的好心才會使。第二、你「喙舌無好」！

甲：我「喙舌」好歹你哪會知影？我都無開喙，應該是「關老爺淋燒酒一看袂出來」才著？

乙：我的意思是咧講：你這個人誠預顛講話，定定攞「一條腸子迴尻川」，雖然無歹意，毋閣講話傷過土直，不時就共人得失，閣袂曉講好話，毋才會講你「喙舌無好」！

甲：照你按呢講起來，我有影「喙舌無好」！莫怪阮阿母不時就共我交代講一講話毋通「土人拍直拳」，毋知影擰節恰分寸！

乙：著著著！人講：「花食露水，人食喙水」，你就愛加講好話，朋友才會濟。

甲：按呢我後擺會「加講好話」！麻煩你繼續共我開破！

乙：第三、你「跤手無勇健」！

甲：我明明就好跤好手，你哪會講我「跤手無勇健」？

乙：咱做人就愛勤跤快手，親像「接骨司傳—(共人)鬥跤手」，像你按呢做代誌教拖掌、袂主動，欲按怎幫助別人共人鬥三工咧！

甲：若按呢，你毋就開破予阮知影愛按怎做？

乙：人講「助人為快樂之本」，咱若真心付出做善事，自然就會清心快樂添福壽！

甲：遮爾簡單哦！

乙：無毋著！你只要「時時存好心，歡喜講好話，快樂做善事」，你烏白的人生就會變彩色的！

甲：你講的誠有道理，後擺我會用歡喜心，加講好話共人呵咾、鼓勵，

用好心、好喺恰好禮，予台灣變做有關懷、有疼心溫暖的社會。

乙：著著著！咱若「時時存好心」、「歡喜講好話」、「快樂做善事」，就會身體勇健無煩惱，歡喜快樂親像阿不倒。

甲&乙：誒！（唱歌—桃花過渡曲調）良言入耳三冬暖，惡語傷人六月寒，呵咾、鼓勵有幫贊，加講好話上圓滿。心存善念腹腸開，加做善事袂克虧，誠心付出有意義，功德圓滿笑微微。